

“জাতীয় মৎস্য সপ্তাহ, ২০১৫” উদযাপন উপলক্ষে জাতীয় কমিটির সভার কার্যবিবরণী

সভাপতি	t	জনাব মোহাম্মদ ছায়েদুল হক এমপি মাননীয় মন্ত্রী, মৎস্য ও প্রাণিসম্পদ মন্ত্রণালয়
তারিখ	t	১২/০৭/২০১৫ খ্রিঃ
সময়	t	বেলা ১১.০০ টা
স্থান	t	মৎস্য ও প্রাণিসম্পদ মন্ত্রণালয়ের সম্মেলন কক্ষ (কক্ষ নং-৫১২), বাংলাদেশ সচিবালয়, ঢাকা।

সভাপতি উপস্থিত সকল সম্মানিত সদস্যকে স্বাগত জানিয়ে সভা আরম্ভ করেন। অতঃপর সচিব, মৎস্য ও প্রাণিসম্পদ মন্ত্রণালয়কে আলোচ্যসূচী অনুসরণে সভার কার্যক্রম আরম্ভ করার জন্য অনুরোধ জানান।

সভায় উপস্থিতি পরিশিষ্ট 'ক'-তে দেয়া হলো।

১.০। জাতীয় মৎস্য সপ্তাহ, ২০১৫ এর কেন্দ্রীয় কর্মসূচি, জেলা ও উপজেলা কর্মসূচী চূড়ান্তকরণঃ

জাতীয় মৎস্য সপ্তাহ, ২০১৫ বাস্তবায়নের জন্য প্রস্তাবিত কেন্দ্রীয় কর্মসূচি এবং জেলা ও উপজেলা কর্মসূচি সম্পর্কে সভায় বিস্তারিত আলোচনা করা হয়। জাতীয় মৎস্য সপ্তাহ, ২০১৫ এর কেন্দ্রীয় উদ্বোধনী অনুষ্ঠানের বিশেষ অতিথি, কেন্দ্রীয় মৎস্য মেলার প্রধান অতিথি, সেমিনারের প্রধান অতিথি এবং সমাপনী অনুষ্ঠানের প্রধান অতিথি/বিশেষ অতিথি সংক্রান্ত বিষয়ে আলোচনা হয়। উদ্বোধনী অনুষ্ঠানে স্বাদু পানির মৎস্য উৎপাদনে বিশ্বে বাংলাদেশের ৪র্থ স্থান অর্জন করায় মাননীয় প্রধানমন্ত্রীকে মৎস্য ও প্রাণিসম্পদ মন্ত্রণালয় কর্তৃক ফ্রেস্ট প্রদানে এবং মাননীয় প্রধানমন্ত্রী কর্তৃক মৎস্য অধিদপ্তরকে ফ্রেস্ট প্রদান করার বিষয়ে আলোচনা হয়। উপস্থিত BTV এর প্রতিনিধিসহ বিভিন্ন সংস্থার প্রতিনিধিবৃন্দ এ অর্জনকে স্বীকৃতি প্রদানের প্রয়োজন রয়েছে বলে মত প্রকাশ করেন। এ বিষয়ে মাননীয় প্রধানমন্ত্রীর কার্যালয়ের অনুমোদন গ্রহণের প্রয়োজন বলে সভায় আলোচনা হয়। মন্ত্রণালয়ের পক্ষে এ বিষয়ে ব্যবস্থা গ্রহণের জন্য মাননীয় মন্ত্রী নির্দেশনা প্রদান করেন।

১.১। সিদ্ধান্তঃ

- ১.১.১। জাতীয় মৎস্য সপ্তাহ, ২০১৫ বাস্তবায়নের জন্য প্রস্তাবিত কেন্দ্রীয় কর্মসূচি (পরিশিষ্ট-খ) এবং জেলা ও উপজেলা কর্মসূচি সংশোধিত আকারে (পরিশিষ্ট-গ) অনুমোদন করা হলো;
- ১.১.২। মাননীয় প্রধানমন্ত্রীকে মৎস্য ও প্রাণিসম্পদ মন্ত্রণালয় কর্তৃক ফ্রেস্ট প্রদান এবং মাননীয় প্রধানমন্ত্রী কর্তৃক মৎস্য অধিদপ্তরকে ফ্রেস্ট প্রদান বিষয়ে প্রধানমন্ত্রীর কার্যালয়ের অনুমোদন গ্রহণের বিষয়ে মৎস্য ও প্রাণিসম্পদ মন্ত্রণালয় ব্যবস্থা গ্রহণ করবে;
- ১.১.৩। বাংলাদেশ মৎস্য গবেষণা ইনস্টিটিউট, ময়মনসিংহে মৎস্য প্রযুক্তি মেলা উদ্বোধনী অনুষ্ঠানে প্রধান অতিথি হিসেবে ধর্ম বিষয়ক মন্ত্রণালয়ের দায়িত্বে নিয়োজিত মাননীয় মন্ত্রী মহোদয়কে অনুরোধ জ্ঞাপন করা হবে।

২.০। জাতীয় মৎস্য সপ্তাহ বাস্তবায়ন সম্পর্কিত জেলা ও উপজেলা কমিটি অনুমোদনঃ

জাতীয় মৎস্য সপ্তাহ বাস্তবায়ন সম্পর্কিত বিদ্যমান জেলা ও উপজেলা কমিটির গঠন নিয়ে সভায় আলোচনা হয়। বিদ্যমান জেলা কমিটিতে কোন সংশোধন না থাকায় বিগত কমিটিকেই জাতীয় মৎস্য সপ্তাহ, ২০১৫ এর বাস্তবায়নের জন্য অনুমোদন করা হয়।

২.১। সিদ্ধান্তঃ

- ২.১.১। আলোচনান্তে জাতীয় মৎস্য সপ্তাহ, ২০১৫ উদযাপনের জন্য বিগত ২০১৪ সালে গঠিত কমিটি হুবহু অনুমোদিত হয়, যা পরিশিষ্ট-ঘ তে সংযুক্ত করা হলো।

৩.০। কেন্দ্রীয় মৎস্য মেলা, ২০১৫ আয়োজন

মৎস্যচাষ ও মৎস্য ব্যবস্থাপনা সম্পর্কিত বিভিন্ন প্রযুক্তি প্রদর্শন এবং মৎস্য ও মৎস্যজাত পণ্য প্রদর্শন, বিক্রয় ইত্যাদি কার্যক্রম পরিচালনার জন্য ঢাকায় প্রতিবছর কেন্দ্রীয় মৎস্য মেলা আয়োজন করা হয়ে থাকে। এ বছর কৃষিবিদ ইনস্টিটিউশন বাংলাদেশ (কেআইবি) কমপ্লেক্স, ফার্মগেইট, ঢাকায় কেন্দ্রীয় মৎস্য মেলার আয়োজন বিষয়ে বিস্তারিত আলোচনা হয়। মেলায় বরাবরের মত প্রধান অতিথি হিসেবে মাননীয় মন্ত্রী, অর্থ মন্ত্রণালয়কে প্রধান অতিথি হিসেবে আমন্ত্রণ জানানোর বিষয়ে আলোচনা হয়।

৩.১। সিদ্ধান্ত :

- ৩.১.১। কৃষিবিদ ইনস্টিটিউশন বাংলাদেশ (কেআইবি) কমপ্লেক্স, ফার্মগেইট, ঢাকায় জাতীয় মৎস্য সপ্তাহ, ২০১৫ এ কেন্দ্রীয় মৎস্য মেলা আয়োজন করার সিদ্ধান্ত গৃহীত হয়;
- ৩.১.১২। প্রধান অতিথি হিসেবে মাননীয় মন্ত্রী, অর্থ মন্ত্রণালয়কে প্রধান অতিথি হিসেবে আমন্ত্রণ জানানোর ব্যবস্থা গ্রহণ করা হবে।

4.0। জাতীয় মৎস্য সপ্তাহ, ২০১৫ এর প্রতিপাদ্য বিষয় নির্বাচনঃ

সভায় মৎস্য অধিদপ্তর, বিভাগ, জেলা ও উপজেলা হতে প্রাপ্ত বিভিন্ন শ্লোগান সভায় উপস্থাপন করা হয়। প্রাপ্ত শ্লোগানসমূহ নিয়ে উপস্থিত সদস্যগণ আলোচনা পর্যালোচনা করেন। বিস্তারিত আলোচনান্তে “সাগর নদী সকল জলে, মাছ চাষে সোনা ফলে” জাতীয় মৎস্য সপ্তাহ, ২০১৫ এর প্রতিপাদ্য বিষয় হিসেবে গ্রহণের জন্য সদস্যগণ একমত পোষণ করেন।

8.১। সিদ্ধান্তঃ

জাতীয় মৎস্য সপ্তাহ, ২০১৫ এর প্রতিপাদ্য বিষয় “সাগর নদী সকল জলে
মাছ চাষে সোনা ফলে” সভায় সর্ব সম্মতিতে গৃহীত হয়।

5.0। জাতীয় মৎস্য সপ্তাহ, ২০১৫ এর উদ্বোধনী দিবসে ক্রোড়পত্র প্রকাশঃ

সভায় আলোচনা শেষে ঐকমত্য হয় যে, প্রতি বছরের মতো এ বছরও মহামান্য রাষ্ট্রপতি, মাননীয় প্রধানমন্ত্রী, মৎস্য ও প্রাণিসম্পদ মন্ত্রণালয়ের দায়িত্বে নিয়োজিত মাননীয় মন্ত্রী, মাননীয় প্রতিমন্ত্রী এবং সচিব মহোদয় এর বাণী সম্বলিত ক্রোড়পত্র প্রকাশের উদ্যোগ গ্রহণ করা হবে।

5.1। সিদ্ধান্ত:

৫.১.১। চারটি জাতীয় দৈনিক পত্রিকায় (ক) দৈনিক সমকাল (খ) দৈনিক জনকণ্ঠ (গ) দৈনিক ইত্তেফাক ও (ঘ) The Daily Star এ মহামান্য রাষ্ট্রপতি, মাননীয় প্রধানমন্ত্রী, মৎস্য ও প্রাণিসম্পদ মন্ত্রণালয়ের দায়িত্বে নিয়োজিত মাননীয় মন্ত্রী, মাননীয় প্রতিমন্ত্রী এবং সচিব মহোদয়ের বাণী সম্বলিত ক্রোড়পত্র প্রকাশ করা হবে।

৬.০। মৎস্য সপ্তাহের কর্মসূচি চলাকালীন সময়ে ইলেকট্রনিক ও প্রিন্ট মিডিয়াতে প্রচারের ব্যবস্থা করা

উদ্বোধনী অনুষ্ঠান ও গণভবন পুকুরে মাননীয় প্রধানমন্ত্রীর কর্মসূচি বিটিভি ও বাংলাদেশ বেতারে সরাসরি সম্প্রচারের বিষয়ে আলোচনা হয়। এ ছাড়া বর্তমান সরকারের সময়ে মৎস্য খাতের বিশেষ বিশেষ সাফল্যের তথ্যচিত্র প্রদর্শনের বিষয়ে আলোচনা হয়। তথ্য অধিদপ্তর, মৎস্য ও প্রাণিসম্পদ তথ্য দপ্তর, মৎস্য ও প্রাণিসম্পদ মন্ত্রণালয়ের সহায়তায় বাংলাদেশ বেতার ও টেলিভিশনে যোগাযোগ করে মৎস্য চাষ জনপ্রিয় করা এবং মৎস্যসম্পদ সংরক্ষণের ব্যাপারে প্রচার চালানোর লক্ষ্যে প্রয়োজনীয় উদ্যোগ গ্রহণ করার জন্য সভায় আলোচনা হয়। সভায় উপস্থিত বিটিভির উপ-মহাপরিচালক জানান জাতীয় মৎস্য সপ্তাহ, ২০১৫ এর উদ্বোধনী অনুষ্ঠানের ৭ দিন পূর্ব হতে প্রতিদিন একটি করে মৎস্য বিষয়ক অনুষ্ঠান প্রচার করা হবে। এছাড়াও বিভিন্ন বেসরকারী টিভি চ্যানেলে মৎস্য সপ্তাহের তাৎপর্য তুলে ধরে আলোচনামূলক অনুষ্ঠান এবং টিভি স্পট প্রচারের বিষয়ে আলোচনা হয়।

6.1। সিদ্ধান্ত:

- ৬.১.১। উদ্বোধনী অনুষ্ঠান বিটিভি ও বাংলাদেশ বেতারে সরাসরি সম্প্রচারের ব্যবস্থা গ্রহণ করতে হবে। এ ব্যাপারে সচিব, তথ্য মন্ত্রণালয়; মহাপরিচালক, বাংলাদেশ টেলিভিশন; মহাপরিচালক, বাংলাদেশ বেতারকে মৎস্য ও প্রাণিসম্পদ মন্ত্রণালয়ের হতে পত্র প্রেরণ করা হবে;
- ৬.১.২। বর্তমান সরকারের সময়ে মৎস্য খাতের বিশেষ বিশেষ সাফল্যের তথ্যচিত্র (অনূর্ধ্ব ৪ মিনিট সময়কাল) উদ্বোধনী অনুষ্ঠান, বিভিন্ন মিডিয়াতে, জেলা ও উপজেলায় প্রদর্শনের ব্যবস্থা নেওয়া হবে।
- ৬.১.৩। প্রিন্ট-ইলেকট্রনিক মিডিয়াতে জাতীয় মৎস্য সপ্তাহের ব্যাপক প্রচারণার জন্য তথ্য অধিদপ্তর (PID) কে অনুরোধ জানাতে হবে।
- ৬.১.৪। মৎস্য অধিদপ্তর, গণযোগাযোগ অধিদপ্তর এবং মৎস্য ও প্রাণিসম্পদ তথ্য দপ্তর জাতীয় মৎস্য সপ্তাহের ব্যাপক প্রচারণার জন্য প্রয়োজনীয় উদ্যোগ গ্রহণ করবে।
- ৬.১.৫। বাংলাদেশ টেলিভিশন ও বেতারের পাশাপাশি বেসরকারি টেলিভিশন ও রেডিওতে যথাযথ প্রচার কার্যক্রমের জন্য তথ্য মন্ত্রণালয়ে অনুরোধ করে পত্র প্রেরণ করা হবে। বাংলাদেশ টেলিভিশন সহ বেসরকারি টেলিভিশন চ্যানেলে মৎস্য সপ্তাহের তাৎপর্য নিয়ে টকশো ও টিভি স্পট প্রচারের উদ্যোগ গ্রহণ করতে হবে।

৭.০। বাজেটঃ

জাতীয় মৎস্য সপ্তাহ, ২০১৫ এর বাজেট নিয়ে আলোচনা করা হয়। গত অর্থ বছরের বাজেট অনুসরণে এই বছরের বাজেট প্রণয়নপূর্বক প্রতিটি কার্যক্রম সঠিকভাবে বাস্তবায়নে মৎস্য অধিদপ্তরে ১৬ টি কমিটি গঠন করা হয়েছে মর্মে মহাপরিচালক, মৎস্য অধিদপ্তর সভাকে অবহিত করেন। জাতীয় মৎস্য সপ্তাহ, ২০১৫ এর কার্যক্রম বাস্তবায়নে এবছর ১,০৪,৬৭,০০০.০০ (এক কোটি চার লক্ষ সাতষট্টি হাজার) টাকার একটি প্রাথমিক বাজেট প্রণয়ন করা হয়েছে তবে এটি বাস্তবতার নিরিখে কম বেশী হতে পারে মর্মে সভায় মত প্রকাশ করা হয়।

৭.১। সিদ্ধান্তঃ

৭.১.১। গত অর্থ বছরের বাজেট অনুসরণে এবং অর্থ প্রাপ্তি সাপেক্ষে যুক্তিযুক্ত বাজেট প্রণয়নপূর্বক মহাপরিচালক, মৎস্য অধিদপ্তরের নিজস্ব বাজেট হতে জাতীয় মৎস্য সপ্তাহ, ২০১৫ এর ব্যয় নির্বাহে প্রয়োজনীয় ব্যবস্থা গ্রহণ করবেন।

৮.০। সভাপতি পোনা অবমুক্তি কার্যক্রম সহ সকল কর্মসূচিতে স্থানীয় মাননীয় সংসদ সদস্যসহ অন্যান্য সকল জনপ্রতিনিধি, মৎস্যজীবী-জেলে, মৎস্যচাষীদেরকে সম্পৃক্ত করার জন্য সংশ্লিষ্ট সকলকে আহ্বান জানান। তিনি জাতীয় মৎস্য সপ্তাহের কর্মসূচির অংশ হিসেবে প্রতি উপজেলায় মাছের পোনা সংশ্লিষ্ট মাননীয় সংসদ সদস্য, উপজেলা চেয়ারম্যান, অন্যান্য জনপ্রতিনিধি ও সরকারী কর্মকর্তাগণের উপস্থিতিতে অবমুক্ত করার আহ্বান জানান। জাতীয় মৎস্য সপ্তাহ, ২০১৫ এর কর্মসূচি চূড়ান্তকরণে মন্ত্রিপরিষদ বিভাগ, কৃষি মন্ত্রণালয়, তথ্য মন্ত্রণালয়সহ কমিটির অন্যান্য সদস্যগণের স্বতঃস্ফূর্ত অংশগ্রহণ ও মূল্যবান মতামত প্রদানের জন্য ধন্যবাদ জ্ঞাপন করে সভাপতি সভার সমাপ্তি ঘোষণা করেন।

স্বাক্ষরিত:- ১৬/০৭/২০১৫

(মোহাম্মদ ছায়েদুল হক,এমপি)

মন্ত্রী

মৎস্য ও প্রাণিসম্পদ মন্ত্রণালয়

ও

সভাপতি

“জাতীয় মৎস্য সপ্তাহ, ২০১৫”

উদযাপন জাতীয় কমিটি।